



partii naleraq

UKA2015/21
10.november 2015

Uunga siunnersuut: Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaata allannngortinneqarnera pillugu Inatsisartut inatsi-saat (Aningaasaqarnermut, Aatsitassanut Nunanullu Allanut Naalakkersuisoq)

Qaleralinnut sinerissami pisanut avaleraasartuunullu akiitsuumik atulersitsiniaaneq matumuuna oqaaseqarfigissavarput.

Aalisakkanik akitsuunik eqqussiniarneq piffissami kingullermi assorujussuaq paatsunganarsimavoq ullormiit ullormut siunnersuutit tunuartinneqartarlutillu nutaamik saqqummiussuisaqaattaartoqarmat, soorunami tamanna assorujussuaq nalorninarsimavoq inatsisartunut ilaasortanut tassami inatsisiliussagaanni aamma torersumik suliaassammata, akitsuummiillu eqqorneqartussat kattuffiillu susasaqartut tunisassioortullu tusarniaaffigineqartussaammata.

Sinerissap qanittuani aalisartut annertunerpaamik akitsuunik nammattussanngorput, ilaanullu soorunami tamanna ilungersunarsinnaavoq pingaartumik qaleralinnut angallatit pisassakitsut eqqarsaatigalugit.

Akiitsunik eqqussinissaq Partii Naleqqamut assut nalorninartumik inissiiniarnertut isigaarput, tassa akileraartissaq aalajangerneqassammat tunisassiat tunitsivimmut qanoq akeqarnerisut naatsorsorneranni 5,-pct-anik. Kisiannili aalisakkanut allanut akitsuutit kruuninut aalajangersugaallutik.

Tamannalu sinerissami aalisartunut 20-milliunit missaani akeqassasoq oqaatigineqarpoq, tamannalu aalisartukkormiunut ilaatigut oqitsuinnaanaviannngilaq tassami aalisariutit nutaanngilisimasut ingerlanneqarnerat aningaasarpassuarnik aserfallatsaalinernut naleqartarmata.

Ukiuni kingullerni aalisartukkormiunut artukkiinerit allat umiatsiararsortunut angallatilinnullu ilungersunartorsiortitsisunik akileraartarnikkut nalikilliisinnaajunnaarlugit inissineqarnikuupput tamannalu akileraartarnikkut annertuunik ilaatigut akiligassaqaletarlutik artuukkiisumillu inissittarlutik.

Angallatit pisassakitsut ilaatigut aalisarnertik ingerlatiinnarniarlugu pisassanik pisillutik akiliillutik ingerlaniarsarisunut assut ilungersunartumik inissisimalersitsissaaq, immaqalu ilaanut unittoornernik kinguneqarsinnaallutik.

Taavalu ukiuni tullerni aalisakkanut akitsuutit allat aamma eqqunneqarnissaat pilersaarutaavoq, tassalu 2017-miit ukiut tamaasa 50-milliuninut akitsuusiisoqassasoq Naalakkersuisunit pilersaarutaammat

Sinerissami akitsuutit 50-milliuunit Naalackersuisunit eqqunniarneqartut qularnanngivippoq aalisakkanut allanut aamma sunniuttussanngussapput, aalisakkat tamarmik akitsuuserneqarnissaat allaqqussinnaajunnaassasoq oqaatigisariaqarpoq. Tassami aningaasanut inatsisissamut siunnersuummi oqaatigineqarmat aalisakkanik isumalluutinik akileraarusersuineq tamakkiisumik eqqunneqassasoq nipsisanniarpata saarullinniarpata suluppaagarniarpalluunniit.

Taamaattumik qaleralinnut akitsuusersuinissamut siunnersuut Partii Naleqqamiit isumaqatiginagu itigartillugu taasiniarpugut.

Tak

Hans Enoksen